



# Comunu de Santu 'Asili 'e Monti

Provintzia de su Sud Sardinia

Bia de Croce di Ferro 32 - 09040 Santu 'Asili 'e Monti (SU)

Tel. 070/9805536 Fax 0709805284 [www.comune.sanbasilio.ca.it](http://www.comune.sanbasilio.ca.it)  
[info@comune.sanbasilio.ca.it](mailto:info@comune.sanbasilio.ca.it) [protocollo@pec.comune.sanbasilio.ca.it](mailto:protocollo@pec.comune.sanbasilio.ca.it)

## **SU RESPONSÀBILE DE SU SERVÌTZIU FAGHET A ISCHIRE CHI EST ISTABILIDU SU BANDU PRO SU RIMBURSU ISPESAS DE BIÀGIU PRO IS ISTUDIANTES BIAGIANTES DE S'ISCOLA SEGUNDÀRIA DE II GRADU. L.R. 31/84 E CAMBIAMENTOS SIGHENTES.**

### **ANNU ISCOLÀSTICU 2022 – 2023**

Su contributu pro is servìtzios de trasportu urbanu e urbanu, de donare cunforma a sa L. 31/84 e cambiamentos sutzessivos, a is istudiantes chi frecuentant is cunservatòrios de mùsica e is Iscolas Segundàrias de su segundu gradu, pùblicas o privadas abilitadas a emìtere tìtulos de istùdiu reconnotos dae s'Istadu.

Su rimbursu ispesas biàgiu tocat a is chi tenent deretu in su sighente modu:

- s'annu iscolàsticu 2022/2023, s'Ente cunforma a sa L.R. 31/84 donat sa diferèntzia (uguale a su 20%) non rimbursada dae sa lege regionale n. 48 de su 28.12.2018 e in particolare dae s'art. 5, comma 33 chi previdet un'istantziamentu annuale, pro su triènniu 2019-2021, cunfirmadu in s'annu 2022 e in s'annu 2023, pro sa reduida de su costu de s'abbonamentu pro s'atzessu a is servìtzios de trasportu pùblicu locale. Pro s'importu ISEE suta limite (€ 25.500,00) sa norma previdet un'abbassamentu de su costu tentu dae is istudiantes de s'80%.

Sunt esclùdidos dae su rimbursu is chi frecuentant is cursos de formatzione professionale.

Su rimbursu ispesas de biàgiu si referit a ispesas tentas e documentàbiles in manera efetiva de is istudiantes pro sa frecuèntzia in s'annu iscolàsticu 2022/2023.

Is ispesas tentas depent èssere documentadas cun sa presentada de is sighentes documentos:

- a. Abbonamentos pro trasportu in mezos pùblicos de linia;
- b. Tzertificatzione pro trasportu in is mezos pùblicos non de linia (ServìtzIU de nolègiu cun guidadore);
- c. Ispesas de biàgiu in lìnias urbanas e urbanas fatas cun titulu de biàgiu nominativu;
- d. Atestatzione de is ispesas de biàgiu fatas cun mezu privadu dae sa cale resurtent is Km intre s'abitatzione e s'iscola frecuentada, cun decraratzione de mancàntzia de su servìtzIU pùblicu de trasportu.

Su rimbursu at a èssere donadu cunforma a su percursu netzessàriu a lòmperre sa sede prus a presu de s'iscola de su tipu seberada de s'iscolanu.

Su rimbursu de is ispesas sustentadas dae istudiantes pro biàgios cun mezu privadu at a èssere possibile in mancàntzia de cuddu pùblicu e s'importu de su rimbursu reconnotu at a èssere uguale a su de su mezu pùblicu.

Pro su rimbursu ant a èssere cunsideradas is tarifas in vigèntzia in s'annu iscolàsticu 2022/2023 chi

ant a èssere atzertadas dae is ufizios cumpetentes.

Sa recherta de su benefitziu depet èssere fata dae is babbos o dae chie rapresentat su minore o dae s'istudiante magiorene e depet èssere compilada in su modellu apòsitu cun sa decrarazione emìtida cunforma a su D.P.R. 445/2000.

Is interessados ant a dèpere fàghere dimanda a su Comunu de residèntzia, in is mòdulos apòsitos predispostos, intro sa die 07.08.2023 unende:

#### **DOCUMENTOS OBRIGATÒRIOS**

1. Decrarazione istitutiva de tzertificatzione (D.P.R. 445/2000) chi atestet sa frequèntzia regolare in s'annu iscolàsticu 2022/2023;
2. Tzertificatzione ISEE 2023
3. Decrarazione istitutiva de tzertificatzione atestante:
  - Su percursu fatu durante s'annu iscolàsticu 2022/2023 pro l'òmperre dae Santu 'Asili sa sede iscolàstica (distàntzia in Km.);
  - S'ispesa tenta;

#### **DOCUMENTOS A PRAGHERE**

Retzidas de ispesa tentas pro s'impreu de mèdios pùblicos pro arribare a s'Istitutu frequentadu overas decrarazione istitutiva de atu notòriu chi atestat s'impreu de mèdios pròpios e s'ispesa tenta.

1. Podent presentare dimanda is istudiantes cun cunditiones de rèditu familiare ugulaes o inferiores a un'importu ISEE (Indicadore de sa situatzione econòmica ecuivalente) de € 25.500,00 autotzertifichende sa frequèntzia regolare.

Sa pertzentuale de rimbursu a is chi tenent deretu, de donare cunforma a sa L.R. 31/84, at a èssere definida in base a su nùmeru de is dimandas presentadas, costu sustentadu in manera efetiva e a is risursas finanziàrias disponibles.

Su Comunu at a protzedire a sa verifica de is datos decrarados cun is controllos prevididos dae su regulamentu comunale reherende sa documentatzione chi provat su percursu fatu (còpia de is abbonamentos o àteru tìtulu bàlidu).



CAPPAI GIANNA MARIA  
04.07.2023 06:30:12  
GMT+00:00